

16
2559
2



16
2559
2

山堂集卷第三目錄

詩

仰山酬贈韓劉二子

贈西泉子

酬別劉梅國兄

夏日江亭贈客

奉答符少泰先生見賀生男之什

奉酬空同先生垂訪見詒

鈴閣贈傅侍御兄

答友人

山堂集卷第三目錄



次韻南水南兄見訪

贈陳大參

鶴泉堂贈別

送曹侍御歸朝歌

酬別張侍御

送顧使君華玉赴全州

贈相命顏生

別友人

雪後鈐山寄友

寄陸太史

寄鴈洲見寄

寄謝子

思友人

江行寄朝望

早春郊園寄友

劉子久有登遊衡嶽之興書來訊予京行答贈林

邱者劉子書屋名也

鈐閣登詠

黎侍御新亭

吳偉畫

山水畫

張氏林亭

觀王陽明書石刻

廬陵謁忠節祠

入白芒朱陂

苦竹山

板陂鋪

野泊

宿山寺

昌黎

下湖

夜宿報恩寺

水南寺諸君子餞予京行即席賦

暮到訪里

楊樹嶺

早發鴈洲途中作

從繡

宿大樑同年陳玉夫宅玉夫時往江東

至廬陵

夕次藤橋還寄城中同好

過周文襄公墓下

過劉子燠墓

船發信州新雨江漲還寄曹使君

嚴陵祠

蕺塘獨宿寄員外良伯

夜行吳江

知松江訪陸太史先申寄贈

寒溪宴集贈侯使君

子使君泛舟宴餞

江龍華寺留別

金山

揚州別舍弟

晚次寶應湖阻雨憶舍弟

清河阻風

山室集卷第三

詩前菜

仰山酬贈韓劉二子

迢遞窮山裏君能枉見尋松門駐雙騎蘿逕鳴孤琴衣
上雲嵐色林中經梵音應悲市朝客誰到白雲深

贈西泉子

到君衡門下修竹兩三竿高已遠人俗貧能慰母懼遷
予進草飯夕語坐蒲團真與世相棄泉巾獨自冠

酬別劉梅國兄

故人千里別何意到穴石林觀榜會隨驥遺詩比贈金書

天尋蜀道夜雪度山陰明發巴陵渚烟波愁我心

夏日江亭贈客

江喧過雨時綠樹搖南颺歸客乘流下扁舟向我辭臺
臨春望迥山繞旅行遲無限蘼蕪華因君寄所思

奉答符少叅先生見賀生男之什

今日啟茅宇把酒對花枝門見弧懸日堂開履滿時王
人沈愁病野客同襟期家事區區爾能勞長者知
剝啄驚敲戶緘題重越疆將雛新曲妙遺鯉故情長兒
子嗤豚犬瓊瑤借寵光夜闌還擊節轉益病夫狂

奉酬空同先生至訪見詩

爾來渾與故人踈珍重能勞長者車地僻柴門堪繫馬
家貧蕉葉可供書鶯花對酒三春暮風雅聞音百代餘
長願飲河心自足却慚知郭曲難如

鈐閣贈傅侍御見

素琴遠抱有餘情草閣孤峰巖其明黃菊幾逢詞客病
綠尊今對故人清留君小作山中宿念我虛題榜下名
信有膏肓在泉石十年從宦竟無成

山遊處處見山情極目秋空萬里明石磴屢緣心未倦
松亭小坐思尤清林中久負幽人約壁上新題過客名
自是登高能賦手看君四韻已俱成

答友人

一官厠朝籍出入承明墀十年卧林巷恍昔與時違當時同升侶往往列金紱吾豈薄榮利貧病恒相縶清晨閱明鏡了了見鬚眉白非食肉相藏拙安所寔

次韻田水南兄九訪

諸公天上多臺省此客江邊祇草堂騎馬看花空賦夢把書牽犢笑年光興高肯復繼孤舫身病仍須累十觴麋鹿故應耽野性鳳麟端合瑞文章謂田也

贈陳大叅

江頭畫舫繫殘年江上梅花明遠天園林客到已搖落溪谷鳥飛多變遷山前日落翁虎亂郵渚雲深鴻雁傳寄謝紫薇賢嶽伯折衝于里在尊前

鶴泉堂贈別

朝出兮江漭送子兮延佇山泠泠兮多風霧冥冥兮露雨野闐寂兮無人子獨歸兮何所庭有鶴兮壑有泉我欲與子兮期周旋目踟躕兮耳潺湲嘯傲于此忘其年子不來兮心煩寃

送曹侍御歸朝歌

豫章城頭班馬鳴六師夜洗章江兵江亭走餞盛冠蓋繡衣御史趨承明奉使三年勞遍歷臨戎六月說專征

露剡才聞馳捷奏天書遄及荷褒榮高堂老人今白首
門倚秋風知望久靈鵲朝喧舍北林青驄晚繫籬前柳
橐中金幣帝所錫起舞稱觴爲親壽親壽君恩日共新
南山北闕慶千眷願將忠孝酬今代早見功名勝古人

酬別張侍御

春風會駐木蘭舟使節真看萬里遊攬轡霜威清瘴海
停盃詩興滿滄洲天寒江縣城空閉秋旱山田穀未收
多病有懷談莫盡送君分首重淹留

送顧使君華玉赴全州

吳客孤帆楚水涯碧雲千里度長沙湘山獨夜看明月

贈相命顏生

掃榻雲林白晝眠行藏於我固悠然元無蔡澤輕肥念
不向唐生更問年

別友人

此夜孤燈共草堂明朝雙屐度瀟湘亦知心跡無南北
未道相違是兩鄉

雪後鈴山寄友

江上日日吹北風茅屋擁被卧如弓楚鄉物色是燕北
晴雪樓臺似畫中病骨總緣詩思瘦屏居長嘔歲年窮

龍裘貂帽憶京國
珮馬朝天過苑東

寄陸太史

客舍燕臺對雪眠
別來心跡兩茫然
青山有地淹貧病
白日無情換歲年
駑馬極知難附驥
玉堂真嘆遠瞻天
新詩海內流傳遍
憑寄楓林水石邊

醉鴈洲見寄

南山有松松有蘿
昔日結交今謂何
但使同吟白雲嶠
何須獨上金鑾坡
何處雲山足馬歸
暮雲相望兩依依
憑君慰我尺素書
日日江樓有鴈飛

北風吹雪滿汀洲
欲折梅花不自由
無限離情渺難寄
題詩更上一層樓

寄謝子

謝公江海士
鍛羽在空林
高臥不出戶
閒堂春草深
積霖注南國
馳波渺夕陰
相望一水隔
方舟不可尋

思友人

衡嶽無來鴈
江潭有蟄龍
愁邊波浪濶
夢覺雲山重
定識相逢語
未知同病容
因思遺遠道
何處採芙蓉

江行寄朝望

挂席愛滄茫
江天足晚涼
望移城塔遠
談及浦雲長
起

鶴橫烟嶼飛鷗趁野航勞君致美酒蓬裏自銜觴

早春郊園寄友

東郊柳色遠依依忽憶佳人候竹屐剡曲雪深回在棹
杜陵花發與春衣閒思步履尋芳草醉愛携壺上翠微
不是賞心緣節物頻年離索後交稀

劉子久在登遊衡嶽之興書來訊予京行答贈

邱者劉子書屋名也

端居心賞若爲酬瘦馬螺川感昔遊芒屨可能窺嶽麓
青藜元自照林邱鳴聲每聽春山鳥滿壑空聞雪夜舟
君與故人論出處閑身仍被白雲留

鈴閣登詠

石堂巖逕薜蘿封鐘磬遙聞最上峰雲淨芙蓉列遠岵
天晴風雨起長松眞仙定擬過笙鳳樵客何因識洞龍
高閣我來忘幾度每來拄笏坐從容

黎侍御新亭

幽逕看花入幽亭載酒開興高忘主客地勝有池臺
曉樹帷合透迤江練來已方元亮隱松菊遶園栽
城居厭煩煥來此灑塵紛江月夜深到野禽松上聞
幽憐草色谷密想蘭薰百里滄浪棹佳期一訪君

吳偉畫

郭熙之死誰復同湖湘小仙今代雄慣將健筆寫縑素
江山平遠稱尤工洞庭瀟湘渺何許積水長天迷處所
沙邊老樹總呼風波上輕雲初散雨短棹扁舟競往還
垂綸老翁意愈閑晴窓展玩心眼亂興在滄洲千里間

山水畫

長松拂雲生畫寒沙上草閣俯江湍幽人竟日少塵事
白鳥青天到倚闌

張氏林亭

十載重來笑語親水亭山閣幾增新輞川自卜王維宅
錦里誰分杜老鄰歲課園丁收芋栗日招溪叟坐松筠
卻笑阮郎知此路碧桃花裏重迷津

觀王陽明書石刻

作幸廬陵縣陽明稱古風起廢葺宮宇節用恤瘼痾刻
繁詔後來皮石當庭中已嘆仁言溥兼憐書蹟工來遊
非在口懷覽意何窮

廬陵謁忠節祠

兩間正氣此諸公萬古香名祀一宮人代綱常元未墜
侯邦章典故應崇冠裳列宿輝光動朝世滄桑運劫空
二百里來瞻廟貌不堪庭木起秋風

歐陽文忠修 周文忠必大 胡忠簡銓 楊忠襄萬里

楊文節邦父文忠烈天祥李忠文時勉劉忠愍球

入白芒朱陂

岸岸溪流急山山篔竹多盤迴遵石徑迤邐度松坡深
嶺皆宜木高田亦種禾喚鳩梅雨暗飛燕麥天和池卜
晴蛙語村防夜虎過稍看民樂土還苦吏催科世事關
愉戚生涯學醉歌清溪足魴鯉吾欲買漁篲

苦竹山

苦竹山高晝景遲木陰蔥蒨動南颺草間鳴雉忽飛起
傲兀籃輿度嶺時

板陂鋪

到處雲山是舊逢幾家茅屋數村松郵亭下馬午時飯
隴上輟耕談老農

野泊

野外蕭條燈火稀空江孤艇暫相依年荒觸目俱堪駭
隔岸燎原驅虎歸

宿山寺

野寺入林僻江城擊柝重艱虞逢世事愁寂任浮踪煩
暑蚊喧壁微明馬度松脚躡獨不寐兀坐聽樓鐘

昌峽

躑躅渡昌峽蒼山烟霧開中流萬石闕隔水一舟來

金中卷三
百還依嶂林幽忽放梅故鄉知信美臨眺轉徘徊

下浦

言市江船集平橋野店開沙中嶺遠樹雲裏望層臺
茲郡饒奇勝吾生歎去來明興陟丹壑秋日淨浮埃

夜宿報恩寺

落日解裝投上方還尋老衲借繩牀春寒自酌山城酒
夜靜猶聞竹院香危坐萬緣心境淨不眠孤枕漏聲長
因搜短句了清景人事詰朝酬應忙

永南寺諸君子餞予京行卽席賦

莎岸松門溪寺幽日高烟霧隱林邱城居出郭應

旅適逢春可自由青嶂白雲晴入座落英飛絮遠隨

誰能去國忘羈思設引離尊惜勸酬

暮到防里

林飈生暮寒溪石渡清漪烟火高門迤風霜古木殘
升堂列酒饌叙舊集悲歡愛此銀燈爛離顏惜共看

楊樹嶺

楊嶺際曉來肩輿度深寂崖高日色薄篁葦風淅淅清
冷涉幽澗犖确緣絕壁環顧間無人山禽自啁哳新泥
松樹下徃徃見虎跡行侶時噉呼銅鉦鳴未息繡子鴻
雪踪夷險備所歷翻慚一身安坐惜衆夫力

早發鴈洲途中作

鴈川揭遊訪鴈洲復躊躇夜投林下宿曉發霜中車回
道過谷口青楓寒正踈哀鴻噉廣澤猛虎臨路衢所歷
多險艱懷抱未可舒寄言同心侶何用獨離羣

促縮

促縮復促縮暮投主人宿荒垣對空池落葉響敗葦持
盃當炊糜蕪薪代秉燭如聞旁舍言野寇或宵伏世慮
嬰我懷默坐候天旭

宿大樑同年陳玉夫宅玉夫時往江東

故人何所之門館閉芳池解名登其歲多病
買金陵棹遙憐瓊樹枝山廳今夜月空照客相

至廬陵 詩劉子也

青螺白鷺入我夢河上松關騎馬來問俗初經永叔里
吟詩真憶長卿才衣冠古郡高風在車馬寒城短日催
今夜故人桑落酒不知懷抱若爲開

夕次藤橋還寄城中同好

惜別忘前路驥色過藤橋問向誰家宿村燈隔水遙
敝裘風正急客思酒初消謾聽空堂兩對牀非昨宵

過周文襄公墓下

尚書舊里說山前松栢陰陰有墓田何止鄉邦崇盛烈

吳人碑碣更林然山前周氏里居吳中諸郡皆有文襄祠

南圻治賦閱星霜功在朝廷未可忘中秘儲才得公等

貽謀端合拜文皇文廟選進士二十八人又閣讀書公乞與乃增為三十九人

過劉子燠墓

欲贈徐君劍挂向隴頭枝隴水自東逝我悲君不知

船發信州新兩江漲還寄曹使君

乘溜放船去空江迷霧雲岸回青草色波動自鷗羣和

早初聞雨途窮忽見君應知三日禱天為答慶勤

已失玉溪雨還望靈山雲川陽夕明滅巖樹春氛氤氳

藻鳧相屬摩霄鶴不羣鼓棹已宵逝攬袂轉思君

嚴陵題

嚴陵七里灘疊嶂俯澄灣雲物澹堪下賞風標邈未攀龍

飛初白水魚釣但春山千歲見孤函蒼蒼烟霧間

魏塘獨宿寄陶員外良伯

泊舟魏塘渚蕭蕭菰葉風剪燭紅蓮亂浮杯綠蠟空曠

吟依雪鷺遐想接烟鴻還將此時興書寄海雲東

夜行吳江

官船新穩官河平籠燭牽桅中夜行菰蒲野水不知處

明發說到閩閩城

如松江訪陸太史先申寄贈

孤岸雨聲急松門烟浪深沿洞趣易慙懷望思難任雲
物中夏賞湖天孤嶼吟曖曖沙中樹悠悠波上禽臨溪
聽黃鳥拂石理瑤琴總多山水興兼慰別離心

棠溪晏集贈侯使君

佳遊歷松郡雅集過棠溪碧篠臨池淨垂藤入徑迷林
香花代發庭曙鳥先啼畫省班嘗接滄洲影獨栖行春
人吏愜聽雨客懷悽野沃饒杭稻時丁撤鼓擊文叨下
容會尊喜使君携稍學泉上釣言留下題與論處去
棹烟景在林西

丁使君泛舟宴餞

異鄉逢子得同遊祖帳邀賓設餞留席移尊送出浦
綠陰牽舸漫隨流殘花悵望迷幽嶼綠水逶迤接遠洲
爲約別時須酌酌前程莫遣有離憂

松江龍華寺留別

野寺行送客東津潮滿時傍花吟駐楫掃石坐傳卮細
雨晨鐘濕輕雲午閣移欲別還留語一來未有期
石橋僧院古松門人跡稀樹涼風漸江暝雨霏微夏
木欣聞鳥春山憶采薇應愧京遊者和塵滿素衣

金山

寺擁金山古江流碧海深千年此形分詞客幾登臨波

浪浮香閣魚龍聽梵音晨風渡舟楫真有濟川心

揚州別舍弟

作伴來吳越那堪此地分還同廣陵乃獨向楚山雲客
路頻加飯文場早策勲要寬千里念時遣尺書聞

晚次寶應湖阻雨憶舍弟

廣陵舟裏連衾枕寶應湖邊隔雨風人世百年誰骨肉
天涯此路復西東中宵憶爾心俱折逆旅無人信莫通
身跡半生成底事祇餘泥雪歎飛鴻

清河阻風

淮浦清細三日住北風高浪可憐江魚龍遠水深疑闊
星斗中天迥覺明永夜鄉山頻入夢離家船笛更飛聲
微名顧我堪慚歎六月携家萬里行

鈴山堂集卷第三終

鈴山堂集卷第四目錄

詩

郊祀

拜陵廟作

謁泰陵

西陵觀月

下陵作

謁陵途次東子淵太史

酬崦西侍讀見贈上陵之作

酬未齋宮諭見贈



酬石門侍讀見贈

宿昌平劉諫議祠次韻贈蒲汀學士

正德戊寅正月七日 駕自宣府回前期頒賜廷

臣服色是日大雪百官迎德勝門外首臣奉觴

致辭稱賀即事紀述

回鑾詩

賜衣

徐氏北樓

雨

登報國寺鐘

冬間和空宮禱

除夕和石潭學士時車駕狩于榆林正德丁丑

元日用前韻

送客

符子發京南邁予日思之恨不能從作此訊寄

再至都下子容侍讀兄叙舊見贈用韻和酬

少傅靳公歸丹徒

贈董官諭

崔子謝病還鄴懷寄

贈劉使君之成都

贈汪尉

送進士陳則英歸觀

奉同溫宮諭移疾寺居之作

倫編修歸娶例贈

贈致政李尚書

湯處士

溫宮諭省觀

送王提舉

贈余太史副憲廣東

登慈仁寺閣餞楊殿撰

徐侍讀別後寄贈

胡進士出宰東陽便道

甘翁僉憲送贈

贈劉卿

張侍御謫判晉州

贈侍御乾德

贈王克明進士之吉郡

集壽僧房餞少司成汪

先生之南京和席間韻

賦少師楊公石齋

題李學士畫

瞻辰樓

待曙樓


題楊時瀛州別業

聽琴

漁父

李學士薇園秋霽圖題贈

傅制遇雨紀事



鈴山堂集卷第四

詩前葉

郊祀

天行駕鳳蚪春祀重圓邱殿幄紅雲繞檀松璧月流
香薦明德穰簡集洪休萬國觀成事宮筵慶玉旒

拜陵廟作

六帝神遊迥諸陵御氣濃泉飛千尺瀑枝偃萬年松
自仙城閉徒看雲壑重遺弓小臣抱悵望鼎湖龍

謂泰陵

先朝趨禁陛今日上陵臺詎識龍駮遠猶疑寶扇迴雨

垂蒼栢淚風動碧山哀千歲岐周下空傳鳳鳥來

季年深望治帝德日光輝臨攬收羣策憂勤總萬機最

傷憑玉几那復見宵衣勵朝陵使秋晨奠幣歸

問士晨頒策焚香夜祝天恩同滄渤水東去無迴年袞

鳥紅雲裏圍陵白露前神遊念王室龍馭儻來還乙丑廷試

宮中禱天有願得真才之語

西陵觀月

萬古秋天月西陵午夜看影流蒼栢鏤光滿碧雲端節

序逢搖落山河對鬱盤滯高瞻玉宇正憶鳳樓寒

下陵作

歸悵何適遲回陵路東還循白石逕遙下翠微宮冉

冉開松霧飄飄墮澗風今宵有佳興明月萬山中

謁陵途次東子淵太史

公我相攜久朝陵復此行暫違清禁直重問碧山程聽

雨驚宵夢看松愜野情喜隨冠蓋入立馬萬峰晴

酬崦西侍讀見贈上陵之作

時秋重祠事吾喜得山行是日愁霖淨風烟破曉晴看

雲千嶂立臨水一詩成爲誦瓊瑤句渾忘羈旅情

酬未齋宮諭見贈

先皇陵殿枕秋風下馬來瞻夕照紅流水猶疑響環珮

長松只訝擁蚪龍，雄閣北踞通秦塞。疊嶂西馳遠漢宮，
欲寫神功鐫嶧頌。綠崖蒼壁倚天穹，

栢林谿路轉紆餘怪。石凌空不受驅，帝作大邦勞眷顧。
民於此地敢樵蘇，峰巒四合看屏障。水樹千重入畫圖，
人世丹邱驚險絕。仙山蓬島訝虛無，

酬石門侍讀見贈

翻屋秋霖作夜驚，出城晴旭稱郊行。謾於夷險思身事，
卻以憂歡見友情。山月解裝陵屋白，澗風騎馬栢林清。
浮塵擾擾非吾意，臨羨滄洲愧濯纓。

宿昌平劉諫議祠次韻贈蕭河學士

秋原六轡詠如絲，蓬閣金蓮下直時。貧看碧山頻駐馬，
喜過琳宇謾題詩。周田禾黍民歌歲，漢室園陵吏奉祠。
仙侶別離知不慣，玉堂明月定相思。

高館茶烟裊鬢絲，話闌清漏轉多時。塵埃偶下留徐榻，
蘭茝重吟吊屈詩。浮世光陰悲逆旅，大邦名哲仰新祠。
叫闈莫上憂時策，倚檻遙興萬古思。

正德戊寅正月七日 駕自宣府回前期頒賜廷
臣服色是日大雪百官迎德勝門外首臣奉觴
致辭稱賀卽事紀述

彭衣麟袍夾路來，飛魚繡鱗皆新裁。千官盡出都門道，

萬乘遙從朔野回，瑞氣晴浮丹鳳闕。先聲曉過白龍堆，
東風吹雪度城隈。流英落絮舞徘徊，王春玉曆三陽動。
人日仙萸七葉開，列炬通城明似晝。騰車廣陌沸成雷，
騎營下令羅霜仗。帳殿留歡捧御杯，小臣獻壽頌休哉。
陛下神武英雄才，龍庭驅醜虜。塞滅氛埃寧如漢，
天子空上單于臺。鴻名駿烈垂千禩，帝德皇風被九垓。

同鑿詩

長楊剗火紅，漢帝夜還宮。觀兵誇出塞，獻捷賀平戎。旌
竿颭飛雪，鏡吹喧高空。百環陳闕下，八駿遊寰中。千歲
昇平樂，歡讌曲難終。

賜衣

宮衣錦段新，宜賜徧臣鄰。繡紋盤虎豹，金彩織麒麟。
向龍沙遠，頒從玉陛均。拜登齊闕謝，悅省獨牆循。士節
論辭受，君恩爰笑舉。禮看超等級，勞豈効涓塵。荷德乾
坤大，慶財府庫貧。先朝題歲月，諸道貢奇珍。貂座儀章
濫，鷄梁諷諭陳。縉紳皆用武，輦輅尙留巡。暗憶垂棠治，
虛慙挾纊仁。日占青海使，寒望翠華春。未厭干戈役，私
嗟章甫身。

徐氏北樓

徐君北樓上，今賦北樓詩。舊賞客頻異，狂歌酒莫辭。

開新月色菊對晚霜枝勝地今皇國休歌王祭詞

雨

暑雨新秋劇茹廬濕不禁氣蒸時見日陰積轉成霖雲

霧北山密烟波南國深林頭有濁酒獨酌散幽襟

日日浮雲色深疑失大陽葉深聽更急葵意仰何長隣

屋垣頽共泥塗馬去妨庭間獨鳴鶴爾亦念高翔

登報國寺閣

昆廬閣望盡京華樓閣參差雲霧遮雨雪高城催歲暮

音書故國渺天涯

代北風烟迷處所雲間孤影見鴻飛聞中錦字空相憶

塞上金鞍仍未歸

后皇開山抵樹林豈布大地皆黃金朱甍轟起雲天麗

翠木環圍石道陰

南去北來何日了勞勞千古更覓銷才過報國松間寺

又度盧溝月下橋古有勞勞銷魂二亭

冬閏和李宮論

歲閏移陰律寒深值晚冬市廛連九陌樓雪倚千墉宮

醞閒能醉鄉書病懶封虛懸殿門籍寂寞卧高春

除文和石潭學士時車駕狩于榆林正德丁丑

更燒殘燭坐虛筵起視明星在遠天客夜盃盤隨俗舉

春城花柳向誰妍
愁心暗逐堦
莫老芳訊
頻經隴月圓
身事流年那可道
箕山終愧古人賢

元日用前韻

椒觴杯酒對春筵
樓雪宮雲倚曙天
後飲屠蘇驚老大
驟看花葉笑新妍
青山近郭浮烟迥
碧樹籠街淑景圓
已見三陽開道泰
早聞連茹進才賢

送客

春來每日晴明少
送客城陰騎馬遲
逐擲沙邊寒浪激
行雲江上曉巖移
謾勞藥爨供愁病
且折花枝寄別離
故里交親如同訊
石泉山月負幽期

北風日日河冰壯
愁病思君萬里行
江上歸帆何日到
天涯旅夢幾回成
青春自改浮雲色
幽谷虛傳好鳥聲
逋客總貽猿鶴笑
故山空繫薜蘿情

再至都下子容侍讀兄叙舊見貽用韻和酬

遠別豈知仍聚首
相過不厭屢迴車
江湖句憶停雲裏
勲業心悲覽鏡餘
海內故交誰在眼
病來癯貌獨憎予
推顏敢附青霄翼
忝竊還登白玉除

少傅靳公歸丹徒

東閣絲綸貴
東山水石情
留侯終謝病
疏傳早辭榮
江

寺移舟遠城居種竹清揮金會鄰曲舉酒話昇平

贈董宮諭

揚帆別潞渚鳴騶指越鄉恩輝馳滿路顏色奉高堂賜
錦裁春服宮醪獻壽觴五色文章貴天池待鳳凰

崔子謝病還鄴懷寄

相送出郊寺獨歸愁郭門春城涉遠道朝雨戀芳樽幽
憂時或到素心誰共論若爲經濟畧歸卧水雲村

贈劉使君之成都

爾向蠶叢去榮分竹使符沂江瀧石險入郾鶴琴孤雪
嶺看松日燕城坐畫圖文翁有石室千古在成都

贈汪尉

裘馬去翩翩人稱縣尉仙榜歌津柳外官舍海雲邊魚
鱗環溪市蒹葭入野田相送憶佳政無爲別興牽

送進士陳則英歸覲

長安闕下送離艤才子寧親赴北堂已喜登科同片玉
曾看作賦比長楊歸帆夜度閩川月舞袖春攜漢殿香
暫到故園非久別雲霄計日待鷓行

奉同溫宮諭移疾寺居之作

九衢車馬暗塵氛仙客西堂卧白雲靜愛市朝堪吏隱
勝將泉石與僧分澄心夜對蓮花水秘曲朝披貝葉文

獨有可人期不至素琴蘿逕立斜曛

偷編修歸娶制贈

捧詔辭東觀鳴榔下南川皆言歸駟日不羨棄繻年寒
慶梅花嶺香歌桃葉篇知君世良史來續子長編

贈致政李尙書

時士皆求遇明公屢乞身三朝均雨露入座切星辰闕
望辭明主林歸後幾人青宮增秩重綠野構堂新柳映
懸車多花明放棹春今朝國門道歎息望行塵

湯處士

此生已忘蓋魚聞

猶抱遺經手自刪他日襄陽訪耆

龐公知在鹿門山

溫宮諭省覲

巴道瞻雲迥燕閑立馬寒行辭青殿直歸奉綵衣歡宅
傍花谿靜盃霑菊露團寧當戀邱壑道擬接鷓鴣

送王提舉

裝車候明發薊城烟露寒壯心悲遠別苦節耐微官天
地重溟盡江山百粵盤攜家赴蠻徼南斗望長安

贈余太史副憲廣東

含香舊仙吏何事下蓬萊斧鉞移南海星辰列上台嶺
造思馬度閑曉見梅開五典敷文教三長歎史才一去

青冥鶴芝田遲爾回

登慈仁寺閣餞揚殿撰

獨鳥層雲盡驚魂
落木多登高堪一賦
送遠奈愁何
關市空塵霧僧房白
薜蘿臨觴勸取醉
此地幾經過

徐侍讀別後寄贈

行輶望已遠悠悠
那復親微霜映郊樹
斜日暗京塵
身病嗟行役情真念
吐申惟應梅驛使
顏寄薜園春
昔約去同載君去
我留仍寧知赤驥尾
不得附蒼蠅對
酒歎宵月買棹快
寒冰忽枉河洲翰
離思渺然增

胡進士出東陽便省尊翁僉憲送贈

渡淮津吏識客似
乘纜還作宰銅章
貴寧親絲袖

明嚴子瀨花暗婺州
山應嗣霜臺美寧勞
百里間

贈劉卿

春棹問南京符臺
拜列卿波晴搖浦
樹草綠上官城
勝得江山覽閒兼吏
隱名風埃日驅馬
攀望羨君行

張侍御謫判晉州

舊日埋輪使中朝
仰姓名忽聞遷客
詔獨問晉州程
幕雨留看劔長河
對濯纓浮榮是何物
且慰病身輕
聖明恩意厚謫官
亦王畿莫下楊岐
淚旋看賈傳歸
臨滹水靜樹遶晉山
微悵惜三春晚風
花幾片飛

贈侍御乾德

西蜀觀風使春明別帶鄉法星移益部仙鷓下瞿塘
驛催霜節秋燈檢皂囊潘輿况扶持桑梓有輝光

贈王克明進士之吉郡

豫章十三郡廬陵實壯哉藝文今代盛忠節古祠開
擁青螺出洲分白鷺廻投亦自茲去人稱理劇才

集壽僧房餞少司成汪先生之南京和席間韻

野寺携尊訪昔遊石堂風雨坐相留簷前老樹身全濕
竹裏深烟氣暗浮多病此時須勸酒異鄉何處復登樓
平生詞賦閑幽興無奈江籬遠去舟

君去扁舟碧水陰古蘭幽杜鶯芳襟移羽野鷗陪宴坐
關粵江月照離心春鶯自解遷喬木海鶴誰應別故岑
悵憶先朝俱奉日西清鐘漏隔花深

賦少師楊公石齋

自昔愛此石齋君因得各省身成砥礪比德象堅貞色
染雲嵐石陰留竹栢清補天功已鉅障海力猶勅瑞擬
川珍貢高看國柱擎鐫崖方紀頌激渚詎閑情願以如
磐固千秋奉 聖明

題李學士畫

香閣依青嶂蘿軒俯綠疇路迷仙子宅花暗羽人邱水

訪伊瀝澗山疑郭杜幽傍崖交雜樹懸石下飛流谷院
篔簹哢郊晴喚客遊誰言若玉署長此對滄洲

瞻辰樓

高樓薄秦清宴坐接仙庭風傳丹篆漏天拱紫微星樓
下長安道車馬塵冥冥

待曙樓

聞鐘起振衣展席坐東扉松巖微月墮花林芳露稀
澹境方寂遣俗慮應稀稍稍晨光集衆禽川上飛

題楊時明瀛州別業

別業踞仙洲
樵人洞壑幽巖迴疑徑斷林抱見溪流
隱橫琴坐花隨放棹遊終期謝簪紱
石卧茲邱

聽琴

閒客清宵撫玉琴露涼新月在高林憑君洗淨松風耳
無限人間鄭衛音

漁父

滄洲漁父人不識日暮移舟烟水寂沙頭野飯暫維稀
蓬裏天涼自吹笛笛聲嘹唳度江門荻花楓葉滿秋村
溪邊雲月長相待世上功名安足論

李學士薇園秋霽圖題贈

玉堂仙人去直還盡日閒園惟閉閑展席平臨堵下樹

鈴山集卷四
南簾遙對几前山紫微陰深日卓午石榻微涼過鳴雨
礪道聲飛泉瀑寒雲根色颯蕒苦古仙人步履出幽林
長嘯時聞鸞鳳音手揮綵筆吟芳菘日翫飛鴻彈素琴
琴書偃傲有餘清竹窻今夜月華明誰言西掖絲綸貴
更有東山蘿薜情

傳 制遇雨紀事

三殿初開夜漏遲從臣猶肅漢宮儀喧呼馬僕燈沉照
零亂鷄班雨滿墀

每歲宗藩當遣使錦旄龍節載恩輝昨午册禮曠年

聖駕新巡漠北歸

至尊新免 太皇喪 傳制分封舉舊章周宗盤石千

國漢使星輶滿路光

向夕鳴鞘下建章平明飛鞚出長楊冠軍常侍健承寵

白馬金鞍從武皇

鈴山堂集卷第四終

鈴山堂集卷第五目錄

詩

秋使滄江先憶鈴山草堂

文次通州懷京邑僚友

天津

雨夕作

夾溝驛聞曹太僕舟過追候不及寄之

過彭城

呂梁題陳工部觀物亭

高郵湖夜泛



揚州

西湖杭守置酒

九日將至衢州寄懷使君

十日李使君郡會宴

玉山館吳仁甫小史

奉題閣老費公三樂樓

龍津驛逢錢使

同徐郡侯登渡吳亭

發宜春風雨枉請公位候別後懷寄

宣風館

次宣風館題壁

盧溪謁周元公祠

又次醴陵

行經長沙江寄易太史

涑口驛

衡山舟中臥病

謁南嶽

宿雲開堂

宿雲開堂聞提學常浦况行部奄至遣書迓之

登嶽慈半山亭

經湘南寺

下祝融宿南臺寺

嶽下逢常甫兄

南臺寺同常甫兄宿同飲之兄自攸縣來會

嶽下答常甫兄

雲霽堂逢飲之

常甫副憲飲之 翔檢與予先後登嶽飲之從值雨

是日予與常甫坐候雲開堂因賦一章

往歲西泉子約予同遊衡嶽而予不果西泉子有

詩見懷茲登此封追憶前韻和寄西泉子

方廣寺宋晦港南軒二先生所經衡守計使君期

遊

宿方廣寺讀朱張二先生唱酬集

經西明山

再遊水簾洞

胡文定公書院

南嶽道士

觀音巖僧

衡州

鴈峰寺易太史計使君集

花藥寺

衡州與易太史別

長至祁陽縣行禮時

車駕北征

題瀟湘樓

鎮國山亭

永州城西朝陽閣
瀟湘水上景
號奇絕太守何君

携酒瀨上

尋愚溪謁柳子廟

見梅花

全州道中

宿深溪館

全州古松歌

湘山寺唐無量壽佛示寂地

過盤石太守華玉賦詩處

山棗驛夜坐

與安縣

白竹舖

公安何公大古令
睢寧有致
兩滅蝗瑞麥二異政

今于方伯廷佩請予賦詩

兩廣大都憲楊公母夫人壽詞

太府宴

官署梅花一株盛開

題雙松卷

賦胡明府歸樂堂

喻大行宗之靜藩

荃別贈

鈴山堂集卷第五

詩 使粵東

秋使靜江先憶鈴山草堂

南濟江湘去意除草堂秋色滿煙霞還家似值陶潛菊
奉使真隨博望槎市近親賓能載酒逕深旌節故穿花
祇於泉石應堪老未倦風塵空自嗟

夕次通州懷京邑僚友

蕭條古臺上雲日蔽秋陰已判同人袂偏傷獨客心
窻微月度高樹早寒侵沉念待明發東山蘿薜深

天津

雙流赴海奔形勝此中存湖汶浮元氣金湯峙國門亭
秋葉盡落江曙景逾昏厭聽城笳起邊愁入夢魂

雨文作

秋氣總成悲那堪積雨時寒衣新授衲林葉故辭枝闕
累書難問風波鬢易絲停舟聞冬鴈渺渺向南馳

夾溝驛聞曹太僕舟過追候不及寄之

湘江秋水驛門深斜日扁舟度柳林河漢身成千里隔
雲山難寄萬重心

過彭城

十月彭城水臨觀勢渺漫客帆牽樹杪日夕長風帶汗

淋漓爭長魚龍卧未安無人守赤臺寂寞傍江干

呂梁題陳工部觀物亭

風葉飄搖秋意深古墻幽竹自成林閉門吏散焚香坐
誰識亭中靜者心

高郵湖夜泛

四望渺無際中流揚素波褰衣露華重開帆月色多病
骨成蕭爽秋光入盪摩漢槎天上客歷歷近星河

揚州

觀憶瓊花色橋憐萬柳陰蕪城舟夜月懷古一悲吟勝
蹟那堪問長江獨至今波間飭龍艦早晚翠華林

將南巡

西湖杭守置酒

朱幡翠幌在蘭舟綠水澄潭寫我憂雲破樓臺明曉日
筵開簫鼓競中流烟中榭逕藏山寺蘋際菱歌起釣洲
古木蘇堤頻悵望看君為政繼前修

九日將至衢州寄楊使君

節序信流邁川途仍阻修那知逢九日復此對孤舟村
晚楓鳴葉沙寒鴈叫倚欄柯應在眼未插菊花遊爛柯山在

衢州

青葉那經眼空尊解浣愁招尋從令節歡讌阻良儔寂
寂隨寒鴈泮泮泛夕流繁香未衰歇歸賞故林秋

十日李使君郡齋宴

未對重陽菊還逢地主杯風光寧自異懷抱轉須開戶
引清香入山邀好月來巖城看未鎖燈火逐江回

玉山館吳仁甫太史

辭燕仍伏暑度越已深秋並署欣今命聯舟感昔遊節
過黃菊雨詩寄玉山郵客路同知己清尊合勸酬予昔計借

北上與吳同載

秦題閣老費公至樂樓

袞繡辭天寵巖巒選地偏橫林水石處曾憶釣遊年旋
馬開新築焚魚樂靜便峰晴窻列障松暝鶴棲煙意狎

鏡魚烏神怡對簡編褰幃川霧濕搖筆逕花燃白傳香
山社歐公穎水田傳家餘故業經世賴高賢應有青藜
使來尋閣上仙

龍津驛逢錢使君

袁山借寇何由得鄙水逢君本未期爲政風流應兩郡
懷人雲樹總多時滄江暮雨維舟楫古驛殘花對酒卮
知己難同嘉會少孤帆欲別更遲遲

同徐郡侯登浚渠亭

渠在郡城西唐刺史李將頌所鑿民賴其利目爲李
渠久湮徐浚之築亭其上以有龍祠

徐侯亭子李侯渠水石新亭宿莽餘秋淨野田聞鶴語
雲深仙洞隱龍居驅馳暫駐三湘節登賦初陪五馬車
此日佳遊習池共他年故事峴山如

發宜春風雨枉諸公出餞別後懷寄

出郭衆峰暝蕭蕭風樹鳴嶺危攀磴上橋斷涉溪行四
牡勤王事三湘問楚程郡齋山霧裏回望渺層城
叢程不可住風雨且須行驛荷羣公餞山憐候吏迎亂
峰連霧色深樹隱溪聲夙有遐觀志因忘故土情

宣風館

宣風館前新雨晴南北平分水陸程客心不奈寒溪水

一夜潺湲樹裏聲

夕次宣風館見壁間題韻輒次一首

下馬踈林新月痕隔籬呼酒問清潭江流萍實此鄉路

祠隱濂溪何處村塵裏征驂自來去壁間題墨半明昏

舟帆欲挂湘江水蘭杜難招楚客魂縣有萍實橋相傳楚王得萍實于此

盧溪鎮有周元公祠

盧溪謁周元公祠

古鎮無監稅高賢有奉祠位卑名德重世遠士民思風月盧溪迥衣冠宋代遺佇驟肅瞻拜敢惜去程遲

夕次醴陵

晨裝去萍邑夕駕憩長沙湖江通兩館井里帶千家楓

岸霜鳴葉盧洲月映花即看臨桂水還喜泛星槎

行經長沙江寄易太史

酌酒看花興每濃十年林卧阻遊從常參玉署歸難並

遠使滄江去未逢世事總知榮木槿愁心空惜老雲松

湘園門巷雲陽麓日對秋屏翠幾重雲陽山名

滌口驛

爐寒夜坐湘山榻霧重晨開滌口船寧知東觀神仙侶

未下南邦道路緣湘山寺名

衡山舟中卧病

二日病思伏在牀藥物到口不敢嘗蓬間坐失湘山翠
枕上但憶湘流長曉報昏霾江氣惡臨蒸自昔歎殊方

謁南嶽

濺濺石瀨交寒溜瑟瑟松枝來遠風村經獨樹柴荆外
路指千峰霧靄中
三日齋心屏俗輩清朝病眼洗衝雲叮嚀入谷停騶唱
恐驚此中猿鶴羣
萬壑雲嵐浩蕩開千重泉溜瀉縈迴始憐奇僻非人境
屢迹何緣此度來

宿雲開堂

歸尋名山遊茲冬山下宿崖館絕巖埃沉沉在幽谷
曉星曠除颯爽風動木耳目淡無營前嘿寡所欲院寂
凝清香更長續明燭慚無昌黎誠暗晦安可卜明發戒
僕夫願恣雲霞曠

宿雲開堂聞提學常甫兄行部奄至亟遣書逆之
夜聞臺端檄欲駐湘中船良遊匪夙約茲會豈天緣狂
思忽如醒擊衣不得眠紙窗露微月髮鬢至我前紅日
出東方曉山映澄鮮高吟振衣去期子層雲巔

登嶽憇半山亭

孤亭翠嶺上層雲煙靄微茫萬里分仙家鳥道迥莫到

石壁猿聲清忽聞幽泉樹杪飛殘滴瑤草巖中吐異芬
看拂丹青朱鳥近焚香先禮祝融君

經湘南寺

半嶺遙聞深逕鐘石堂蘿薜護青松草堂邀客供僧茗
此是雲中第幾峰

下祝融宿南臺寺

山殿隱岩堯禪燈照寂寥亂峰臨宿靄古木認前朝
水忽相失浮邱還見招欲跨松巖鶴吹笛遡丹霄

嶽下逢常甫兄

白玉堂中鶴鷺羣十年江海嘆離分
五言與君逢此地

亂山携酒看飛雲

南臺寺同常甫兄宿是夕聞欽之兄自攸縣來會
香閣珠林倚半天兩人相對嶽峰眠羗村秉燭翻疑夢
緱嶺乘鸞似下仙雲伴瘦筇過絕壁風傳清嘯隔蒼烟
攸江自有山陰興莫更虛迴半夜船

嶽下答常甫兄見贈

楚鄉杯酒故情濃猶似長安日過從知己百年憐幾在
勝遊今日歎難逢吟看夜棹溪邊月坐對寒流石上松
昨暮祝融應悔別回瞻雲壑已重重

雲霽堂逢欽之

遠信初聞近復疑西堂清怨獨吟時須與松逕傳銀燭
顛倒風亭洗玉卮

常甫憲副欽之翰檢與予先後登嶽欽之獨值雨

是日予與常甫坐候雲開堂因賦二章

祠謁朝景暉峰登雲物變今朝山中客零雨罷平登踐
林深崖路窄幽賞不可遍磴滑危難步谷暗近莫辨茲
山號靈幻頃刻殊隱見叨余上睛巒萬狀悉輸獻愧乏
病毫賦琢句被崖薜君侯擅風騷胸中富溪獻佳辭出
天巧不復勞洗鍊品巒闕輝彩草樹迷蔥蒨豈被山靈
妬或遭造物譴並覩欣茲竒獨往惜已數期君前古巖

百保筋力健

痛登造可想兩望竒莫云三子本同志所歷各不羣浴
浪初杲日觸石忽膚雲連峰彌瀟灑八垠渺氛氳掀林
怒颺激懸壑流泉奔駉色啼玄豹虎豹夾路聞俯視臨
萬仞悄愴驚心魂平生幾竒遊擬刻石上文虛館遲回
車秉燭冀同論

往歲西泉子約予同遊衡嶽而予不果西泉子獨
遊有詩見懷茲登上封追憶前韻和寄西泉子
幸了登山願慚輸作賦能自驚疲病力亦上最高層境
邇知凡隔神間卜壽增西巖清夜月應照客吟會

絕頂有巖陡絕壁立鑿徑如線側足乃可度曰捨身
巖前有石梁橫焉曰定心橋俯瞰萬仞同遊者膽掉
目眩莫敢正視予延竚橋上久之傍一老僧曰觀子
神閒其壽徵與并記於此

方廣寺宋晦菴南軒二先生所經衡守計使君期

遊

涉磻登巖費遠尋古松寒寺入榛荆昔賢對榻聞高咏
太守移尊非俗情幽蘭谷裏堪紉佩淶水潭邊可濯纓
林暝杳然迷所適上方臺殿有鐘聲

宿方廣寺讀朱張二先生唱酬集

南嶽衆峰寺寺期黃絲高窮上封覽靜寄南臺眼翹
南與依空瓊瑣不足傳方廣嶽西麓蹟勝由名賢朱張
兩夫子杖屨來當年高辭賁巖石老宿依寒禪而我二
三子景行志彌堅躋攀越林澗悵望迷雲烟不見谷中
人但聞山下泉馳驅限于役申旦轡車旋幽境夙所尚
塵累何當捐

經西明山

崖登渺竒興况喜故人同石路寒山裏溪流萬木中幽
花晴泣露高樹晚多風勞思何能洗清尊幸不空

再遊水簾洞

此是朱陵第二遊恍疑雲水闕仙邱磴盤鳥道蘿烟瞋
潭隱龍宮雨氣浮聞有高人眠醉石擬將俗耳洗寒流
摩崖細認題名字苔色蒼蒼萬古秋

有巨石曰淵中刻
冲退醉石四字

胡文定公書院

文定祠堂衡嶽下嶽雲祠榜映崔嵬千年絃誦餘巖室
長遣山靈護綠苔

精思妙契了殘編杖屨南山二十年鉛槧未終還仕籍
風塵顏面愧高賢

南嶽道士

焚香松下迎官長捧爵爐前禮嶽君青鞋不畏蒼崖路

日日峰頭行白雲

觀音巖僧

自云家世本湘川來任名山斷俗緣只借蒲團供宴坐
不管巖花易歲年

衡州

積水長天盡深冬暮景催吾仍問南去鴈向此中回嶽
晚和雲立花寒對驛開侍臣清禁上荒徼幾時來

鴈峰寺易太史計使君集

石林香逕乍聞鐘落日來登回鴈峰星軺玉節道路遠
洞庭瀟湘雲霧重川長不見傳書鴈寺古仍餘夾道松

寒宵秉燭流連語爲惜佳人此地逢

花藥寺

昨暮鴈峰宴今晨花藥來似携餘興往更待好懷開樓閣盤幽嶂香烟上古臺楚地多奇勝吾慚作賦才

衡州與易太史別

輶軒遵嶺路別棹倚川溇蕭條風壤異婉婉歲年侵疇昔懷同侶茲鄉途所欽清芬襲嘉惠逸響激瑤琴復感承明直何如湘水吟茆齋攸江上憶爾會相尋

長至祁陽縣行禮時 車駕北征

使節祁陽逢至日縣庭班列觀天光卽看暖入深官祿

正想風飄合殿香塞馬力應疲雨雪江鴻書不到衡湘寒雲落木催愁劇魏闕滄洲引睇長

題瀟湘樓 永州

山色清瑤潤江光素練長誤疑看圖畫乃覺臨瀟湘

鎮國山亭

朱堯開則第竹逕得山家桂種瑤臺樹蓮開玉井花傾杯移渤澥染翰動龍蛇疑有神仙過鸞籟隔彩霞 鎮國書

永州城西朝陽巖踞湘水上景號奇絕太守何君

携酒巖上

危石野亭雲外賞澄潭仙舸鏡中回朝陽巖洞堪留客
湘水湘山對舉杯

尋愚溪謁柳子廟

柳侯祠堂溪水上溪樹荒烟非昔時世遠居民無冉姓
蹟奇泉石空愚詩城春湘岸雜花木洲晚漁歌清竹枝
才子古來多謫宦長沙猶痛賈生辭

見梅花

歲盡荆南霜霰稀天晴山霧濕人衣馬上朝來如見雪
因傍梅花過翠微

全州道中

梅花千樹雪松葉萬溪雲湘源行日日賴爾灑塵氛
宿深溪館

湘臯風物晚凄上候館星輶日向西白屋扉臨一水靜
蒼山路入萬松迷寒衝毒霧霑衣潤暝坐幽篁颭雨低
不見此中猿鶴侶恐棲蘿月在深溪

全州古松歌

全州古松大道邊白晝曠色行蒼烟溪迴路轉不知數
直至興安陰接連蛟龍拏空勢欲舞往往呼號作風雨
大枝屈鐵少枝盤偃蹇突怒如相忤時復一株羅樵斧
槎牙無枝形獨古誰栽此松經幾禩國初太守名猶記

章守 勝蹟曾留學士題解公縉繁陰長與行人憇松風

復 冷冷山寂寥松月皎皎明清宵遙想山中風月下定有

鶴仙吹玉簫

湘山寺唐無量壽佛示寂地

湘山臺殿翠微連石塔禪身坐儼然祇樹天移兜率境

金燈焰續會昌年

雲嵐坐湧巖扉暝薜荔行遮塔逕斜兩日炎州病如洗

湘山寺裏見梅花

過盤石太守華玉賦詩處

盤石江山雨濤如行客雙旌正馬遙醉起題詩臨峭壁

令人却憶顧東橋

山一棗驛夜坐

沂嶺路岐仍渺渺拍林風雨更朝朝清溪傍竹聽蕭瑟

小驛燃燈坐寂寥湘浦葉飛驚歲晚鈴山家在憶書遙

垂垂一樹梅花白賴爾能將旅思消

興安縣

興安城郭枕高邱湘灘水分南北流萬里橋頭風雪暮

不知何處望神州城西有萬里橋昔人以京師至此萬里因名

破屋古松喧夕籟遠峰寒霧起層陰梅花兩岸灘江水

歲晚相隨到桂林

白竹舖

千飯車停白竹舖寒旌馬度黃茆岡江分二水湘灘外
路遠孤城雨雪傍巒洞雲霞隱僻絕野田松竹連青蒼
遙看溪嶂憐佳境卻畏風烟歎異香

公安何公大古今雖寧有致雨滅蝗瑞麥三異政

令子方伯君廷佩請予賦詩

中牟循史績江陵長者言如聞何令事不愧古人資為
政寧求異躬行可格天棠留睢水上碑照峴山前

兩廐大都憲楊公母夫人壽詞楊太師文敏之孫

也

中丞繼斧移南粵壽母霞觴宴北堂頃使百年刊闕鏡
相門三世引書香祥暉映海狀桑近春色臨階玉樹長
何止庭闈奉牲鼎待看勲業在旂常

大府宴

峰攢錦石當軒秀霧隱晴花拂檻高鼓角聲中催送酒
松杉影裏借揮毫

官署梅花一株盛開

只怪幽香生別院不知春色在南枝遶樹百迴吟看汝
天南日暮酒醒時

題雙松卷

詩

古

庭中雙松樹柯葉何青青歲晚巖居于相期來劄

賦胡明府歸樂堂

無寧風埃萬里餘羊腸歷盡始回車竹泉蘿月皆幽事
往嶺星巖仍故廬

喻大行宗之靜藩祭莖別贈

宗藩勳卹典漢使下彤墀雲捧青霄節山開碧殿祠桂

江題句勝藤浦繫舟遲聞有慈幃別重歌四社詩

鈴山堂集卷第六目錄

詩

晨觀風洞登疊綵樓歷拱辰亭亭為鎮守傳守貴

所創巖巒奇聳千里在口諸巡院有詩于輒次

韻是日介行登賦不盡興也

題風洞

題虞山廟

虞山宴別二首

暮次靈川懷寄大叅師舜憲副天益三鄉文

除夕全州少司徒梅軒蔣公邀集少傅敬所公之



兄也致 收官傳張公涇川在座有詩次韻 一首

全州歲夜

元旦全州行慶禮

元日燕宮 傳涇川公第用韻

拜謝涇川公見贈

附錄贈詩

發湘江

石期驛逢李明府

早霽與計 便君泛湘江遂登望嶽 一首

成二首

予少孤 病恒有憂生之嗟 今年初 廿矣日月于

邁祿 全 速養學未有聞使經衡山道 適初度矢

痛申情爰成茲咏焉 三首

歸次醴陵

慧力寺

移疾慧力方丈呈郡中諸君子

不寐

夜至太平觀 二首

陳節推久在南昌寄贈

贈陳侍御原習

郡內逢春

盧洲宴集 值雨贈羅使君

過雙龍寺

山行贈仁雨 二首

寄仁甫

題黃氏池亭

雨望

贈張秀才

春日遊石乳洞

遊淇陽洞

卷之羅使 石宴別

師儉堂

雙谿

題龍封若 顏貞卷

蕭氏鳳山 別業

郡學羅守 新肄樂請予觀賦

閱武亭置酒

曉登春臺 二首

和唐侍御 晚登春臺

曉登春臺用韻

惠上人房

夏夜府公辱過

酬羅使君仰山之招

鈴山夜別簡侍御得寬字

陽春書院唐朱二侍御邀梁

薛樓宴集次汪戶部希會及日出師捕安義之寇

夜登明遠樓同王陽明中丞唐朱二察院

龜峰寺

上巳玉山集

塔山望

自西湖入靈隱上天竺

嘉興三塔寺留別朝儀子謙二使君年丈

虎邱寺侍少傅守谿公遊奉次高韻

東平遇雨

蓮花淀舟泛

盧溝橋

憶鈴山寄溪亭明府

南京戶部後池雙蓮同幹大司徒王公邀賦

鈴山堂集卷第六

詩 庚粵藁

晨觀風洞登疊綠樓歷拱辰亭亭爲鎮守傅中貴
所創巖巒竒聳千里在目諸巡院有詩予輒次
韻是日介行登賦不盡興也

孤亭絕嶂倚南天碧樹蒼崖共莽然八桂雲山供作賦
羣公尊俎坐籌邊嚴城鼓角傳清曙落日帆檣出斷烟
王事未能窮勝覽北風捩檝下湘川

蒼茫寒霧起遙天歲晏憑高思渺然夜發仙槎南斗外
春瞻御座綵雲邊湘源水色浮晴雪桂嶺花枝拂瘴烟

莫恠題詩惜幽賞子長奇興在山川

題風洞

寧知巖洞古平臨闌闌中梵閣開丹鷲仙梯躡彩虹遙
峰晴吐霧陰磴靜含風安能賦招隱來扳幽桂叢

題虞山廟

重華千載後遺廟在南夷絃想薰風奏庭思鳳鳥儀斷
碑苔蘚合幽洞薜蘿垂髣髴後仙駕乘雲度九疑

虞山宴別

臘二十五日發桂林方伯何君珊憲便宗君璽太泰

彭君斐憲副張君祐陳君伯獻都帥敬君儀王君繼

善僧饒虞山廟之南薰亭上既謁廟乃宴乃徃觀

廟後之韶音洞既醉賦詩留別諸君子

山隱韶音洞江橫舜帝祠旌旄勤出餞巖石借題詩客

路春梅色湘洲碧草辭都忘去程暮留賞更傳卮

贈言紛授簡祖席迴臨城奉使憐遐域羣公荷別情灑

波經地險桂樹向冬榮勝會知難再相思一寄聲

暮次靈川懷寄大叅師舜憲副天益二鄉丈

天南歲晚更依依朔雪寒雲遶樹飛投館驚看風土異

臨觴悵惜故人違情同離水仍西注身似春鴻向北歸

想見郵亭頻駐馬獨吟千嶂已斜暉

他鄉相見故人稀
聽唱驪歌欲濕衣
數酌猶臨碧水坐
兩輿空指暮林歸
池臺月浸薇堂影
繡斧霜傳桂嶺威
長路題書祝餐飯
壯圖勳業莫相違

除夕全州少司徒梅軒蔣公邀集少傅敬所公之
兄也致政官傅張公涇川在座有詩次韻二首

除日他鄉倍憶家
聚星高會轉宜誇
能堪黃閣留賓席
正賴清尊遣歲華
青蔥色凌階下雪
玉梅香破臘前花
烟霜旅棹催晨發
已報春風動水涯

臺閣勳名重
帝家不因榮盛有
矜誇那知守歲逢
椒頌邦喜登堂咏
棣華吟就謝池憐
夢草醉歸喜范憶
看

花履端更有明朝慶
皇澤春陽總未涯

全州歲夜

殊俗聊相值
空堂誰與同
燈明深雪裏
歲盡漏聲中
野暗孤城柝
庭高古樹風
頻年遠爲客
此夕意何窮

元旦全州行慶禮

燎火通宵設
軒車拂曙來
星隨雙節動
雪映百廬開
聖壽齊嵩華
春陽徧草萊
翠華天北極
應指塞垣回

元旦燕宮傅涇川公第用韻

千橋來訪晉公家
重德高名豈浪誇
開筵竹松便逸隱
登堂山水占清華
官春總換桃符帖
越俗先傳彩勝花

願借栢觴增五福
從滄海咏無涯

碧潭青嶂遶千家
風景真堪對客誇
海內衣冠尊洛社
天南旌節駐皇華
春從陰谷潛回律
空應豐年密作花
他日勝遊那可再
繫帆重醉粵江涯

拜誦涇川公見贈

會隨玉署瞻先達
愧謁龍門已後時
往事殷勤勞晤語
非才流落負心知
湘山夜雨流觴久
離浦春波放棹遲
別後雙魚難定覓
但吟佳句一相思

附錄贈詩

并序

涇川病叟張濬

回首玉堂天上遊
驚看玉樹過南州
登科豈必傳三唱
受卷曾知讓一籌
館閣栽培他日地
文章經濟古人流
湘山夜雨皇華驛
傾倒能令老病瘳

編修嚴君維中弘治乙丑進士是科予爲受卷官見其制策驚人擊節稱賞既而不得預一甲之選爲之扼腕太息往事不足深究予謂乘除物理之數君所就當未可量書此識贈以爲後來左券云

發湘江

八日移舟湘水岸
東風吹浪散寒陰
城邊栢葉留春酌
沙際滄浪清客吟
烟村小逕通漁浦
石壁迴谿映竹林

舟人問佳境前住幾處費登臨

石期驛逢李明

言東安令心期得其論官看銅綬貴貪惜布袍濫野
衣巒嶂春江對驛門天涯一携手風雨送離尊

早霽與計使君泛湘江遂登望嶽亭觀武侯廟新

成

棹江天豁移尊草閣幽到窻分嶽翠當檻瀉烝流春

花經眼秋深月滿樓使君時對客詩興遶滄洲

接烝湘會城臨棟宇開武侯今寂寞公爲掃莓苔世

懷龍卧江春識雁回天涯山水郡落日進餘杯

予少孤多病恒有憂生之嗟今年四十矣日月于

邁祿不逮養學未有聞使經衡山造邁初度矢

痛申情爰成茲詠焉

婉孌爲童子父母不暫離出門十顧望恒恐兒寒饑受
氣素薄弱旣長猶尪羸多疾貽親憂焉保黃髮期庸知
四十載老大生髭鬚中朝玷榮祿出使萬里歸公厨飯
白粲文錦褰華衣衣食豈不美親養弗可追初度臨茲
辰愴惻有餘悲海波逝莫回悲傷竟何爲

飭駕辭桂嶺弭棹越江湘我行幾何時已涉萬里疆萬
里豈漫遊王命肅所將咨詢徧原隰登眺窮崖岡聞昔

太史公足跡好環竒東遊探禹穴南浮踰九疑山川激
壯氣一以昌文章赧予誠薄陋懷古意慨慷男子始生
朝弧矢懸門堂眷言四方志豈必懷故鄉睠彼孤黃鵠
矯翮雲天翔啾啾茅簷下燕雀空榆枋

弱齡不量力高視慕前儔學道思理人洗心念寡尤奄
忽踰四齡此志但悠悠聰明異前時行業不加修抱册
時呻吟寧免遺忘憂雕蟲技何補食粟顏堪羞中夜起
長嘆反躬時內省宣父戒無聞漆雕慙未信勲業弗及
時白髮忽生鬢嗟彼萬里道中途可旋軫願言加餐飯
努力桑榆晚

歸次醴陵

悠悠駐雙騎翼翼抗前旌雲物媚清旦山水曠孤城平
野楚烟碧高峰松雪明客愁潭欲失已入故鄉程

慧力寺 臨江

古道蒼松轉重洲碧水連橋傳伏馬地臺憶讀書平客
舫平沙倚禪燈夕嶂懸馳驅愧塵鞅棲息歎何緣

移疾慧力方丈呈郡中諸君子 時有寧藩之變

城市誰能此地遊石堂禪榻借深幽藤蘿月上諸峰靜
樓閣風迴古木秋病身偶似維摩室客思應同王粲樓
已惜浮萍自流轉卻拔叢桂更淹留

漫懷陶謝與同遊，悵惜青山古寺幽。
江縣羽書頻報警，石門蘿薜自宜秋。
孤城片月聞吹角，落日千峰對倚樓。
瀟水驛亭舟楫地，異時尊俎記相留。

不寐

羽檄連宵至，徵兵列郡聞。
乾坤遂戎馬，雲日更炎氛。
食祿寧辭難，臨危好策勲。
燈殘僧閣夜，孤枕百憂紛。

夜至太平觀

暝色山徑入，鐘聲林杪來。
道人驚客至，燭下松門開。
瑤席凝芳篆，琳館絕浮埃。
塵襟藉消豁，天明車騎催。

羣仙朝上帝，高居儼太清。
玉池泉不涸，玄圃樹長榮。
初

作蒼龍躍堦，同彩鳳鳴。倘因仙靈樂，此地問長生。

陳節推久在南昌寄贈

郡閣蕭條畫掩扉，
窻中林岫待玄暉。
東湖亦是桑乾水，
應望袁山日憶歸。

贈陳侍御原習

木落歲年晚，空江忍到公。
世途千轍異，高論一尊同。
懷玉幽人志，纓冠國士風。
重冥隔南紀，瞻望渺行驄。

郡內逢春

春日春臺且引望，
萬家城郭慶春新。
彩旛花勝巧隨俗，
栢葉梅枝清傍人。
離離雪樹開晴旭，
冉冉風煙度野津。

遠沾郡邸賞筵醉轉覺鄉園物候親

盧州宴集值雨贈羅使君

名園邀客綠尊開經施行春五馬來江迥波聲喧几席
山寒霧色隱樓臺庭中翠蔭延修竹林下幽芳折老梅
為報青陽布新令滿城甘雨使車回

過雙龍寺

入谷嵐霏重開門松寺深離流萬木罽羅擁衆峰陰溪
鶯仍寒浴潭龍或夜吟楚地多風雨春山不可尋

山行贈仁甫

萬峰雲度壑孤寺雨鳴溪馬渡溪前水疑鱗鱗障泥
其宿東窗下中宵雷雨聞風塵遲雙劍好為拭龍文

寄仁甫

望木翳深嶺獨行千障間溪山正奇絕霖潦倦躋攀聞
子渡前壑日暮臨河還相思阻幽夢一夜雨潺湲

題黃氏池亭

黃生池閣清獨宿恰我情高窓延霧色曲澗遶泉聲鄰
里閒能過鷗魚近不驚永學溪中釣寧求世上名

雨望

高樓集飛雨半入空濛間梅痕低暎水草閣暝依山境
寂渾饒睡杯深忽破顏五嶺愁難望烟中疑翠鬟

贈張秀才

吾愛張明府承家不乏賢芳蘭臨謝砌白壁照藍田暮
李明書愧春鶯別筵天池待鳴鳳綵翼看騰鸞

春日遊石乳洞

躋險邁靈室賞得仙谿紫泉飛作雨玉髓積如泥暫
駐心魂爽重尋巖逕迷撥結丹霞想來從靜者棲
地隱林巒秀春餘草木芳古巖立置酒清溜忽霑裳有
象名難具無言趣轉忘未云歡賞罷歌吹送殘陽

遊洪陽洞

二仙何代隱巖洞綠山青長碎蘿崖世絕經
丹邱長占水雲多天台到擬逢桃實石室鑿
思向此中尋靜侶因牽俗累欲如何

彬江羅使君宴別

乳洞初旋蓋郵亭復此筵夜歌臨浦月春賞寄雲泉
從澗山醉風流峴水傳所嗟平遠役安得重延緣

師儉堂

山泉野飯聊今夕金谷銅駝非故時隨緣自有數椽足
題儉真成一字師

雙谿

宛似名山入武谿花源仙艇記還迷春圃剪蔬逢客至

午憲九藥聽鶯啼

題龍封君願貞卷

學道人未識端居遺俗紛靈龜導真息玄豹養深文履
坦自多吉逃名世却聞當時讀易處幽室灑蘭芬

蕭氏鳳山別業

卜築傍幽深烟霞費遠尋窻喧石礪水檻落翠峰陰巢
鵲依新主谿花發故林應招白雲侶終日伴閒吟

郡學羅守新肄樂請予觀賦

竭聞金絲奏洋洋黌舍中跡類觀周廟神疑遊澤宮徵
師來獨遠享聖禮攸崇茲郡黜毀僻居然郡學風

賢守化不羨蜀文翁

關武亭置酒

山擁賓筵翠城圍將壘高霜天清鼓角雲日麗旌旄
迅穿鴻鵠杯香擘蟬螿取醉自茲別臨岐贈寶刀

曉登春臺

樓閣山寒裏肩輿衝曉來仲冬羣木下初日萬峰開平
野何寥邈層城亦壯哉予心慕奇勝欲別更登臺
山曠烟嵐合城高睥睨齊攀躋興不極曠望意還迷風
壤荆吳際星文翼軫西遺祠深木裏來客拜昌黎

和唐侍御晚登春臺

春臺夕上興猶奇落木蒼蒼白日遲行傍逕梅詩自好
坐看松嶂榻頻移江城攬轡霜威迥山閣開尊月色宜
莫爲浮雲望天際恐增愁思何關時

曉登春臺用韻

翠嶺烟開楚望奇綠江天盡鳥飛遲松杉覆郭冷風起
樓閣當空淑景移巖樹故因時序收山雲豈與俗情宜
雙峰寂寂應相對悵憶高人獨往時

二袁山漢高士袁京所居

惠上人房

絕壑聞流水香牀住半天林間飛蓋入松下看雲眠
鳥知春候曇花識靜綠冥心遺所造豈必定中禪

夏夜府公辱過

山月照庭際如傳松桂神到門銀燭遠當席錦袍新
自惜迂疎舊多慙寵顧頻荒居寡承奉小酌愧情真

酬羅使君仰山之招

開緘見月生幽思清曉雨聲翻屋來千峰古木啼猿處
空憶題詩坐石苔

鈴山夜別簡侍御得寬字

柱史來天上相過坐夜闌霜威清颯假月色好同看晨
渡河冰壯春浮楚澤寬臺臣綱紀地送子見才難

陽春書院唐朱二侍御邀集

逆藩故宮也

陽春院裏花仍發不飲其如春色何高臺曲沼人能到
遲日濃烟景自多猶憐綠水飛鴻鴈更看蘭舟採芰荷
章郡昇平異前日時邀馳馬一相過

薛樓宴集次汪戶部希會是日出師捕安義之寇
城外章江碧草春城頭高閣綺筵新野航受客還依渡
江燕穿花不避人山川南國登臨在今古浮雲感慨頻
戰矧眼邊連夜發捷書早報放吾輩

夜登明遠樓同王陽明中丞唐朱二察院

遙夜肅已靜朗月照重湖風窗倚天漢星嶠臨蓬壺酌
的徐亭樹寥寥霜零鳥微言歡欲奉清賞未云徂

龜峰寺式隱

森森蔭水栢暝暝入山烟始驚靈境絕忽步翠微先異
狀蓮峰出幽探萬慮捐心期駕鸞鶴從此問真仙
鳥鳴芳樹暗雲度碧峰陰春益林巒秀山圍洞壑深青
蓮窺色相綠竹動謳吟人世那逢此丹鉛一一臨

上巳玉山集

巖嶂何盤鬱汀洲復渺綿江深迷草樹林霽淨風烟蘭
葉修春襖楊花對別筵不醉河陽酒愁心益恍然
懷玉今辰到官亭憇晚晴連山雨渺渺獨樹花盈盈對
酒三春暮離家一月程舊窻園木暗惆悵忽聞鶯

塔山望 玉山縣

初聞流泉響漸入深林間靈峰窺寶塔竹徑欵禪關
曉花覆谷空濛雨映山回看萬壑裏雲霧渺人寰

自西湖入靈隱上天竺

蕪橋初進艇靈峰忽振衣三竺開丹鷲諸天在翠微
水浮花片松磴鎖烟霏屈折巖扉到蕭條苔徑歸藉草
還留酌聞香頓息機

嘉興三塔寺留別朝儀子謙二使君年丈

三塔移舟望若仙穹林翠壑俯江烟鷺花對酒城春麗
鍾梵登樓海日先世路無端頻送客空門不礙擬逃禪

吳君曼是

吳別衡雨開帆各惘然

寺圖有
九照樓

虎邱寺侍少傅守谿公遊奉次高韻

禪逕香臺訪碧山玉堂黃閣奉台顏乍揮藻翰花爭麗
久曉朝簪鶴並閒林下看雲松影靜巖邊着屐蘚痕斑
分明仙舸中流坐瞻送宮袍月下還

潭渚逶迤草樹重上方臺殿隱孤峰清輝夜吐吳城月
虛籟寒生梵院松窻瞰浦雲宜引望石留僧講謾遺蹤
移舟更欲歸城市惆悵青山日暮鐘

山嶺有閣各千
雲寺前千人石生

公說
法處

東平遇雨

急雨來東郡蕭蕭亂入雲禱祠諸路見亢旱一春聞風
疾吹疑斷天高灑易紛都饒萬民望吾亦洗炎氛

蓮花淀舟泛 雄縣

沿澗洲渚異演漾水雲空綠荷初茁日青蘋解起風
唳鶴橫天迥眼鷗烟雪同會意聊自遠望美轉難窮

盧溝橋

逝波與行客汨汨無時休
猊蟠明積雪虹飲亘長流
曉月迷征騎春沙厭弊裘
經過道傍寺鳴思且淹留

憶鈴山寄溪亭明府

小逕升堂綠繪長翠屏
終日對鈴岡邱園物色閑
閑在

朝山風塵事事可前憶琴尊同笑語景憐風雨發九轉
朝來馬上逢鄉使為寄新詩當入行

南京戶部後池雙蓮同榦大司徒王公邀賦

朱夏尚書省池蓮表異祥
絳葩開並蒂青乳結連房
曉暖紅雲麗披鱗翠蓋長
文鴛紛比翼振鷺儼分行
引類何猜妬淩波故頡頏
靈妃泛湘浦趙女入昭陽
照月平分影迎風倍有香
瑞呈鮫室外盛過鯉湖傍
早曠憂方劇芬敷理詎常
氣和占聖世地重切公堂
嘉木歆連理靈芝頌九光
予慚職歌頌留賞濫華觴

